

TSUKANKACH IRSAME

Ememasam wajakmeku uun tsukanka irsame
Weakmaka kiakiatuapa tamaitiatam wajame
Urenka tawasnapu iwarnaita
Akitaiyapi najanmainita
Nujinka weakriapi karimtaiyaita
Kankajchirisha karimrutaiyapita
Imatramaitkum eme jasam wajame
Apachi pushiri nunkuaru
Etsa etsanmaunam ijimaru wajame.
Nampetnasha nekawash
Kawau chichauwa imatnashit
Wari yuranchiñak yuwait imauchia ausha
Tamaitiatam antachu jasam
Yaja iimsam, Kanus iisam nankamame.